

精選古今名人情詩三百首卷之一

墨隱廬主手編

病中作

顏待月

月瘦花殘不似前。淚珠零落枕函邊。可憐只有金條脫。臂上依然伴妾眠。
註 顏待月白樂天妾爲蠻素所譖失寵於太傅此其病中作也見清人

景星杓山齋客談

酬謝翱

無名氏

相思無路莫相思。風裏花開只片時。惆悵金闈却扇處。曉鶯啼斷綠楊枝。
註 唐謝翱寓長安遇美人彼此倡和事見張讀宣室志

贈寇白門

吳偉業

南內無人吹洞簫。莫愁湖畔馬蹄驕。殿前伐盡靈和柳。誰與蕭娘鬪舞腰。

朱公轉徙致千金。一舸西施計自深。今日祇因勾踐死。難將紅粉結同心。
同時姊妹入奚官。桐酒黃羊去住難。細馬駛來紗罩眼。鱸魚時節到長干。
重點虛家薄薄妝。夜深羞過大功坊。中山內宴香車入。寶髻雲鬟列幾行。
曾見通侯退值遲。縣官今日選娥眉。窈娘何處雷塘火。漂泊楊家有雪兒。
舊宮門外落花飛。俠少同遊病馬歸。此地故人騶唱入。沈香火煖護朝衣。

宮怨

鄭娟紅

月明青塚慘昏黃。鸚鵡空勞念上皇。若得琵琶身出塞。千秋人尙說王嬙。
花落宮魂事事哀。淒涼南內莫徘徊。可憐夢繞關山夜。曾過長生殿上來。
幾多金屋淚留痕。雨露區區一點恩。何怪秋來團扇棄。春風原不到長門。
春燈影裏盡哀聲。扇底桃花淚暗吞。那得哭回明社稷。龍潭江上弔孤魂。
註 娟紅爲鄭成功後清聖祖之妃也。

寒夜不寐善持君送被口占答之

龔定庵

露○落○并○州○金○剪○刀○美○人○深○夜○玉○纈○勞○停○針○莫○怨○珠○簾○月○正○爲○羈○臣○照○二○毛○
金○貌○深○擁○繡○牀○寒○銀○剪○頻○催○夜○色○殘○百○和○自○將○羅○袖○倚○餘○香○長○繞○玉○闌○干○

註 善持卽橫波夫人顧眉生也此詩當係定庵鑄秩時尙有待訊等夜
不歸館故善持送之被詩中自稱羈臣亦以此

寒食感懷

龔定庵

寒○食○春○風○廣○柳○時○兩○行○人○去○惜○臨○歧○吞○聲○已○是○三○年○別○悲○莫○悲○兮○死○別○離○
註 定庵此詩爲橫波夫人旅櫬將歸而作

中元爲善持君禮懺六如師以詩見慰和答二首 龔定庵

歲○歲○香○燈○憶○水○濱○慧○光○應○不○墮○幽○燐○獨○憐○愛○海○何○時○竭○每○到○西○風○涕○淚○新○
窮○塵○誰○悟○去○來○因○妙○偈○頻○寬○病○後○身○世○相○縱○空○難○盡○遣○腸○歲○月○白○頭○人○

山左道中有感是日爲善持君生辰

龔定庵

朔風蓬轉正天涯。雲斷鄉山暮嶺斜。萬事吞聲成死別。君歸黃土我黃沙。
生辰歲歲炷名香。幢蓋蓮華繡妙光。今日客途鐘磬杳。梅花沁水酌空王。
慧業生天定不疑。蒲團燈火夜闌時。傷心拋下青螺管。懶向人間更畫眉。
月病雲愁剩此身。青天碧海淚沾襟。窗豈少閒花鳥。四海論心有幾人。

定情詩爲章孝廉作

眠鶴道人

揚州一夢已十年。猶有新聲上管絃。最是荻花蕭瑟處。琵琶簾外雨如煙。
少小飄零恨已多。隨風飛絮奈愁何。浮萍還羨沾泥好。淒絕筵前白練歌。
畫屏銀燭影搖紅。一片春痕似夢中。安得護花鈴十萬。禁他枝上五更風。
敢將顏色說傾城。但解憐儂便有情。夜合花開蓮子苦。殷勤還與記分明。

夜泛柳溪題贈梧姬

眠鶴道人